

## TIPPING POINT ONDERWERPE VIR GEBED, VANAF 29 OKTOBER 2018.

### Inleiding.

*Dankie dat jy steeds saambid. Hiermee ons gebed punte vir tydperk vanaf 29/10/2018. Ons dateer die gebed punte op +/- 2 weekliks, soos die Here ons lei.*

*Die punte is gerangskik dag vir dag sodat jy elke dag oor 'n verkillende onderwerp kan bid. Ons bid in essensie vir dieselfde sake, die klem verskil soos die Here dit op ons hart lê. Ons volg die voorbeeld wat die Here self vir ons gee in die gelykenis van die onregverdige regter – God nooit ons uit om aanhoudend oor dieselfde sake te bid en nie moeg of moedeloos te word nie. Soos die vrou dieselfde saak dag vir dag voor die regter gebring het, presies so, nooit die Here ons om dieselfde sake voor Sy troon te kom lê, vas in die wete dat Hy SAL hoor (Jesaja 62:6-7. Lukas 18:1-8)*

Die It's time gebed byeenkoms in verby – wat 'n voorreg vir elkeen wat gelukkig genoeg was om daar te kon wees. Die Here se teenwoordigheid was tasbaar in elke aspek van die byeenkoms. Van die verkeer regulasie, klank kwaliteit, visuele kwaliteit tot aanbidding, alles was geseën deur ons wonderlike Hemelse Vader.

Die vraag is egter, wat nou? Was dit genoeg, sit ons nou terug en wag vir die Here om tot aksie oor te gaan? Nie as ek die Bybel reg verstaan nie. Die Here het vir Israel beveel om vir 7 dae om Jericho te stap, en op die dag van die oorwinning, die 7de dag – het hulle 7 keer om Jericho gestap. Hier sien ons 'n belangrike geestelike beginsel: voordat groot oorwinnings en deurbrake kom, is versnelde, en nog meer intense gebed nodig. Ons kan allermens nie op ons louere rus nie, die Here beveel ons om te verenig om 7 keer (geestelik gesproke) om Suid Afrika te stap in gebed. Kom ons doen dit!

My kosbare broer en suster in gebed – die Here vra vir ons, sal julle nie al hoe harder aan die deur begin klop nie, Hy wag om te antwoord. (Matt 7,7)

### Daaglik gebed vir die volgende 2 weke – Pres Cyril Ramaphosa

Angus is deur die Here gelei om 'n persoonlike boodskap van die Here, vir ons president Cyril Ramaphosa te bring. Die essensie van God se boodskap was die volgende: "Mnr. Ramaphosa, jy kan slegs hierdie land reg regeer as jy net na een stem luister – die stem van die Here." Die Here vra vir ons president om Hom en Sy Woord te erken in elke beslissing, en in elke aksie. Waar daar baie stemme is wat skree, fluister, redeneer en kritiseer, vra die Here van president Ramaphosa om net na een te luister – die stem van die Here.

Hierdie is so 'n swaar en gewigte woord, ons voel dit is van pas om elke dag hiervoor te bid. Sal jy asseblief by ons aansluit, om vir die afsienbare toekoms, elke dag vir ons president in te tree.

- Ons dank die Here dat hy vir President Ramaphosa vir ons land gegee het, juis vir 'n tyd soos hierdie (Esther 4:14) Ons vra die Here vir beskerming vir hom en sy gesin.
- Ons bid dat Pres Ramaphosa die moed en die durf sal ontvang om te doen presies dit wat die Here vra – om net na een stem te luister, die Here se stem en leiding vir elke besluit, ten spyte van kritiek en teenstand wat sekerlik sal kom.
- Ons vra dat die Here vir hom wysheid sal gee om ons land reg te regeer, soos Hy vir koning Salomo met 'n bonatuurlike wysheid geseën het om Israel regverdig en Godvresend te lei en regeer.

### **Maandae: Grondeise en hervorming.**

*Dit is opvallend dat oom Angus gelei was om spesifiek vir die grond hervorming kwessie te bid, amper woordeliks soos wat ons die laaste tyd ook gebid het. Hy het gevra dat ons regering spesiale wysheid, insig en sensitiwiteit sal ontvang om die grond hervorming regverdig en Godvresend uit te voer. Daar is genoeg land vir almal – mag God ons die wysheid gee om dit so in te deel dat niemand te nagekom word nie, en dat God al die eer kry!*

- Ons bid vir elke boer – swart, blank, kleuring, Indiër.
  - Vir kalmte, rustigheid en verdraagsaamheid.
  - Dat swaarkry en bedreiging ons boere en hulle plaaswerkers na die Bybel en gebed sal dryf, eerder as na geweld en die wapen.
  - Ons bid vir versoening tussen boere en plaas werkers waar dit nodig mag wees.
- Ons bid vir die regering – vir hemelse wysheid om die grond kwessies reg te hanteer. **Ons vra vir 'n bonatuurlike wysheid vir elke besluitnemer, sodat almal betrokke regverdig en billik behandel kan word, menslik gesproke 'n onmoontlike taak.**
- Ons bid vir Pres Ramaphosa vir spesiale wysheid, insig en durf (courage) om die regte dinge te doen en sê.
- Ons weerstaan elke bose mag wat onenigheid, vyandskap en geweld in ons land wil dryf.

### **Dinsdae: Hofsaak Gaum vs NG kerk. (selfde geslag huwelike)**

Die regters oordink nog (steeds) die uitspraak vir hierdie saak, ons bly bid.

Dit voel tans amper belangriker dat ons vir die NG kerk as geheel bid, as net vir die uitkoms van 'n hofsaak. Wat hierdie saak gedoen het is om die NGK se kompromie met God se Woord uit te lig, as 'n saak van ernstige kommer vir elke Christen in ons land. Ons vra dat die Here vir ons in die NGK (asook alle ander kerke) 'n leierskap sal gee wat vreesloos en sonder kompromie by God se Woord bly staan, soos 'n Martin Luther – "Hier staan ek, ek kan nie anders nie.... "

- **Ons vra die Here om ons kerk en sy leiers te vergewe vir verkeerde besluite en beslissings in die verlede, waar kompromie met die waarheid van God se Woord gemaak is.** Ons dank die Here vir Sy belofte dat Hy nie net ons as kerk sal vergewe nie, maar ook sal reinig en seën soos ons vorentoe beweeg. (1 Joh 1:9)
- Ons bid dat die waarheid (soos in die Here se Woord vervat) in hierdie saak sal seëvier.
- Ons bid dat die leun (alles en enigiets teenstrydig met God se Woord) ontbloot en tot niet gemaak sal word.
- Ons bid dat die gesag en outoriteit van God se Woord herstel en bevestig sal word, en ook gepreek sal word deur die NGK.
- Ons bid dat die Here die regters goddelike wysheid en insig sal gee en hulle harte sal draai as dit teen die Here se wil in wil besluit. (Die Here rig die harte van konings soos waterstrome (spreuke 21.1))

### **Woensdae: Polisie, weermag en gevangenis dienste.**

*Oom Angus het ook klem gelê op die hartseer posisie van die polisie in ons land – dat daar tans weinig respek of agting vir hulle is, en dat ons polisie mag as't ware hulle outoriteit verloor het. Die Woord is duidelik daaroor – almal wat wet en orde handhaaf, is deur God aangestel, sodat dit goed mag gaan met die burgers van 'n land (Romeine 13 1-3)*

*Dit lê swaar op ons harte om vir ons polisiemanne en vroue te bid. Kom ons tree in voor die Here vir hierdie onselfsugtige en dapper mense, en daarmee saam vir almal in bevel en leierskap in polisie, weermag, gevangenis dienste.*

- Ons bid vir elke polisieman en polisievrout vir Goddelike beskerming terwyl hulle hulle gevaarlike dagtaak uitvoer.
- Ons bid vir leierskap van ons polisiemagte, weermag en gevangenis dienste.
- Ons vra dat die gevaar en werklikheid van die dood vir elkeen sal dwing om te begin dink oor die lewe na die dood, en die ewigheid. **Ons vra dat God se Gees baie sal oortuig oor die noodsaaklikhede van bekering / wedergeboorte.**
- Ons bid vir landswye herlewing in ons polisie, weermag en gevangenis dienste. **Jesus in the heart of every policeman / woman.**
- Ons vra dat ons polisiemag weer die nodige outoriteit en respek sal kry wat dit verdien. Ook die liefde, omgee en deernis van 'n dankbare bevolking.

### **Donderdae: Skole, universiteite, kolleges.**

*Eksamen tyd is op hande. Kom ons dra elke skolier en student aan die Here op. Nie net dat hulle sal slaag in hulle eksamens nie, maar bowenal **dat die Here vir hulle 'n toekoms sal gee in ons pragtige land.***

*Ons moenie dink dat die onstuimigheid en onsekerheid in ons land nie vir skoliere en studente raak nie – dit raak hulle intens. Ons vra die Here dat die onsekerheid oor hulle toekoms in Suid Afrika hulle nader aan Hom sal bring, nie verder weg nie!*

- Ons bid vir elkeen wat hierdie jaar skool of universiteit of kollege klaarmaak. Ons vra die Here om vir hulle 'n toekoms in ons land te gee, en hoop om nie moedeloos te raak nie. Ons vra dat onsekerheid studente en skoliere nader aan Jesus, nie verder weg sal dryf nie.
- Ons bly bid vir elke leerling / student vir:
  - Ontvanklike harte vir die Woord en evangelie.
  - Beskerming teen verkeerde invloede en “bullying”
  - Beskerming teen onreinheid, verkeerde verhoudings, verkragting en pornografie.
  - Beskerming teen die mag en houvas van dwelms, alkohol.
- Ons bid vir herlewing in ons skole, kolleges en universiteite. **"Jesus in the heart of every scholar and student"**

### **Vrydae- Verkiesing 2019, ekonomie en regering**

*Ons bly intree vir 2019 se verkiesing.*

*Daar is meer gebid vir die 2016 verkiesing in Amerika, as vir enige ander verkiesing in daardie land se geskiedenis. Die Here het geantwoord deur die Demokrate te laat verslaan, 'n Demokrat regering sou toenemend meer liberale en goddelose wetgewing ingebring en toegepas het. Die familie as eenheid sou onder vuur gekom het, aggressiewe wetgewing wat 'n LGBT agenda promoveer sou toegepas geword het, sekuriteit van gewone landsburgers sou opsy gekuif geword het agv 'n liberale immigrasie beleid, ens.*

*Donald Trump, vir al sy swakhede en onvolmaaktheid as mens, is besig om Godvresende en Bybel gefundeerde wetgewing te herstel in Amerika. Hy doen meer vir die beskerming van Christene, Israel en sendelinge as enige ander president voor hom.*

*Die Here sal dieselfde doen vir Suid Afrika, op een voorwaarde – dat ons bly bid. Ons gebed vir die verkiesing 2019 is niks minder as die volgende - Dat die Here vir ons 'n godvresende regering sal gee, wat God en Sy woord erken, eer en respekteer, en elke besluit toets aan die waarheid van God se woord!*

- Ons bid vir die 2019 verkiesing – dat die Here die wat Hom en Sy woord teëstaan sal verwyder, en ons land 'n regering sal gee wat God dien en vrees.
- **Ons bid teen alle vorms van korrupsie.** Ons vra die Here om korrupte politici uit te wys en te verwyder uit hulle poste. Ons bid dat die geld wat gemors en gesteel word d.m.v. korrupsie eerder aangewend sal word om werkgeleenthede te skep vir die miljoene wat desperaat opsoek is na werk.
- **Ekonomie.** Ons bid vir 'n omdraai in die ekonomie, wat sal lei tot voorspoed en die skep van baie werkgeleenthede. Ons bly bid vir elke werklose, asof dit ons is wat self sonder werk sit.

### **Saterdag – Kerke**

*Sad to say – Die kerk in Suid Afrika het sy profetiese stem, en daarmee saam tot 'n groot mate sy krag verloor. Die ongereddenes in Suid Afrika wag vir die kerk om op te staan en met 'n duidelike stem te proklameer – Jesus Christus is die antwoord, maar dit is asof ons met stomheid verslaan is. Ons bid vir die kerk in ons land, en ons predikers, dat ons sal word dit wat die Here ons werklik bedoel om te wees.*

Ons bid vir kerke dwarsoor ons land:

Kerklidmate:

- **Vir nuwe bekerings.**
- Vir geestelike groei en verdieping by bestaande lidmate.
- Dat elke lidmaat saam met hom/haar 'n boodskap van hoop sal uitdra vir 'n verloregeande wêreld.

Predikers – ons bid vir ons predikante landwyd.

- Dat predikers landwyd 'n boodskap van hoop van die kansels af sal verkondig vir 'n verloregeande wêreld.
- Vir 'n dieper verhouding met die Here, dag vir dag.
- Vir 'n kragtige en groeiende gebed lewe.

Kweekskole, Bybel skole en kolleges.

- Vir geesvervulde professors en mentors om ons jong predikers op te lei.
- Dat enige dwaalleer ontbloot en verwyder sal word.

### **Sondae – Families en gesinne.**

*“As the family goes, so goes the nation”... **Die huwelik en gesin is God se bousteen vir gemeenskappe en nasies.** Die huwelik is egter deur God ontwerp en kom net tot sy reg as daar aan God se reëls en vereistes voldoen word. Kom ons vra die Here vir herstel van huwelike dwarsoor ons land, tot eer van sy Naam.*

- Ons bly bid teen hierdie bouse aanslag op huwelike

- Dat huwelike wat op die rand van egskeiding staan gered sal word. (Miskien ken jy iemand met 'n huwelik wat swaarkry – bly asb. bid vir daardie persone en hulle kinders, vir redding vir die gesin) Vra die Here dat die bose nie in sy plan sal slaag om daardie huwelik te vernietig nie)
- Ons bly bid dat mans sal opstaan om hulle verantwoordelikheid as pa en geestelike leier van die gesin weer in te neem.
- Ons bly bid dat ma's nie so beroeps gefokus sal word dat gesinne en veral kinders daaronder ly nie.
- Ons bly bid vir gebroke huishoudings.
  - Enkel ouers dat hulle Jesus se liefde toenemend sal ervaar, nie moedeloos sal raak nie en op God se tyd weer 'n huweliksmaat sal vind.
- Weeskinders.
  - Bid dat God self sal ingryp om die kindertjies genadig te wees.
  - Bid dat die kerk sal opstaan en meer en meer sy rol begin speel in die oppas van weeskinders. (in lyn met die bybelse opdrag in Jak 1:27)

**Ons dank elkeen wat deelneem by voorbaat vir julle gebede – ons weet dis nie tevergeefs nie!**

Seën, MPG gebed span.